



HOUNDARUN IRAHÜÑÜ HABU NIBUREITIÑU
GARINAGU LIDAN IRUMU 2024
“LIHATI ALAGAN AFIRIKANU”

DIMÂSU #4

HESUSU LÉBUNA INÉBESEI;
KEIMAUN LÁRIGI; LAU SUN WAFIÑE

LEBUINA: Harihini irahüñü habu nibureitiña Hesusu keisi
aba íbiri ganíchiguti lánina láyeihaun furendei lumagie.



DIMÂSU #3




HESUSU LÉBUNA INÉBESEI, KEIMAUN LÁRIGI.

LEBUINA: Harihini irahüñü habu Nibureitiña Hesusu keisi aba íbiri ganíchiguti lánina layeihoun furendei lumagie.

HAUN AROUDAHATIÑU

Lidan lagumuhaun dimâsu le, waganba lumagie Hesusu ligia lan lébunabei inébesei, awahan lau inébehabu gundalámuga wábiri Hesusu wama, ladüga lau linébehabu Hesusu lun lúguchi liabi ubauwagun ouwe luagu gürüwa lun gawaral an laséfuruniwa lidagie wafigoun, daríwamamuga ibágari magumuchadíti. Dan le ladügüni Bungiu ubou, lidan dan ladügei sun katei habu sun gürigia, adügati waraunu, chumagünü, idudunu, garínagu, giyounu, sun hóuyerigu gürigia, memegi le labuserubei wáguchi Bungiu lun wawinwadun lau igúndani sungualuagu, lau insiehabuni labu inébehabu wagánawa. Úwati wéiriguti luei le ni aba, sungubei wagia abawabu ligibugie Baba, hinsietiya lun keisi le aubei ladügawa. Hesusu wamada le araudubali üma buití waun, keima lárigi.

Adügalumutiñu Baba
Wayunagu ani;
ágüdahalumutiñu
lidan sun
hásügürü lidan habágari.
Seremein lun wayuna
Hesusu.



Súngudabei sun dimurei le:
Nuguya afietina:



1 Bun____

2 He__su

3 __yú__gu.

4 San____

5 áfu__gu.

6 __gü__rigu.

7 Haguyugun_____

8 _____magumuchaditi.

Adügaba abä furiegi lun Hesusu, lebuna bafiñe.



WEREMU

Keimaun, keimaun níbegunu, áyeiheina-meñon lubuidu
usa, keimaun nóguchurun, keimaun nóguchili, áyeiheina
lubuidu usa

Keimaun, keimaun, keimaun, ninebâfagu, áyeiheina
lubuidu usa, keiman nanigu, keimaun níbegunu, áyeiheina
lubuidu usa

Hesusu lébuna inébesei eehh, áyeihawamei lira lumagie,
Hesusu lébuna inébesei, nánigu ligia lubeiti lû nti
´wáyeihani

Hesusu lébuna sun katei, ligia ibágaribei nanigu ooh, ligia
lidaundana inébesei, keiman keiman wáyeiha lumagie.

Inebe hama: _____



Harumadahaña:

Ka hausereubei lun harumadahá?
Ka harumadahabei?
Ka hadügübei lau ifei?

ISEIRI UGANU TIDAGIE SANDU BÜRÜTÜ. (MATEU 4. 35-41)

Aba ládinu Hesusu tidaun ugunei, aba haudin lánigu disí-pulugu luma, sódini aba láfurun garábali le héreti, ebe-luheina lugudi barana tidaun ugunei, larúmuguñati Hesusu, aba hagágudahani hariñaga lun; -wabureme sefubáwa wadíbiragua, aba launabuniña lariñaga houn, -¿ka san uwagu hanúfudeda? Laugua tafiñe hugia le. Aba lagágudu-niwa Hesusu adeiheina ligia lun garábali labu barawa, aba ladaneirun.

Abâti hariyagun disípulugu haunwa, aba taweiridun hanigi, hariñaga; -¿katei san wügüri le, aganbalubali ani inébeti lun garábali labu barawa?



URAGA

TAFIÑE DA SÜ

Lidan buga aba aüdü giriti Yurumei, ñeinñon meha aba weiyou mutu, Da Sü haguwaha tun, suwandan tudin weiyou mutu to añûra tábugie aba dibasen, sun asügürütiñun habusuragun tun lau inébesei, ítara; ¡DA SÜ! Abâha taunabu hayeina tuguya.

¡PASTEKUN!



Tariñaga DA SÜ haun sun asügürütiñu; ahein afiñe hubei luwagu sun buiti le haraudubei hiyunagu haun; mérëgubei haun lun hafiñeru luagu le laraudahabei Bungiu Baba waun lumagiñe Hesusu le hayuna wayunagu; ani wayuna giñe.

DA SÜ: nuguya lau sun gayunari lan, tigílisibaun nóguchun nabu lumagiñe figígidina; ñein tarausaha afiñeruni nun lua-gu Bungiu, luagu Hesusu, tuagu mafuridawaguntu Maia, ha-wagu sandu, hawagu sun wayúnagu hábuga buidubaña da-bei le nibágeigiña; lárigiñe houwegun sánduhaña ligibugiñe Bungiu Baba; ligiati háfulubei weibugun lárigie Hesusu lun suwandan.

Mosu inebe lan lébuna hafiñe sun nechanu waun, inébeti nun; memegi mígirun numuti nafiñe luagu BUNGIU BABA, luagu HESUSU, luagu háhari niyúnagu ha buidubaña kei sandu. Afiñetina giñe, hawagu nagüburigu, luagu le hariña-gubei nun, le haraudubei nun; ladüga afiñehama luagu Bun-giu Baba, labu Hesusu, táharite Maia, habu sandu Wayú-nagu, ligia lidendebei nafiñe; agia buguya; ¿ka lidendebei bafiñe?.

LILAGÜLEBEI TÚRAGATE DA SÜ.

- 1 Yurumeina DA SÜ
- 2 Taunabuni busuguwoü “Pastekun”
- 3 Gayunari tuban baun
- 4 Sagü weyu tañûrun tabugiñe dibasen yarafa tun gayunari.
- 5 Ayánuhatu haun sun asügürütiña luagu tafiñe luagu Bungiu, Hesusu, Maia, habu su nsandu tiyúnagu.
- 6 Agunbiaha-tumutiwa DA SÜ lun; afiñeni luagu sun Katei buiti le haraudubei wayúnagu waun keisi larauduni Hesusu haun.



Inebesei lun:
Wanichigu
Wayumeila
Wechun
Ligaburi warigino
Ubou.
Flesi; Inebesei
Kaba inebe bun?

ITU: SUYAPA KACHU. LIRAÜ LISIÑE KÜRISTU



**SECRETARÍA DE LAS CULTURAS,
LAS ARTES Y LOS PATRIMONIOS
DE LOS PUEBLOS DE HONDURAS**
GOBIERNO DE LA REPÚBLICA

**DIRECCIÓN GENERAL
DE LAS CULTURAS Y
LOS PATRIMONIOS**

**UNIDAD DE EDUCACIÓN
PLURILINGÜE Y MULTICULTURAL**

EDUCACIÓN
GOBIERNO DE LA REPÚBLICA